



Bun 130 atlec da 18 uniuns dla lüsa s'à prejentè al start in chësc ultim fin dl'edema a Latsch. Chilò éi gnü tignì i campionač provinziai, uramai ruvà a súa ventejima ediziun.

I favoric al start é jüs por i ëi le atlet jonn da Lijun Roman Kaser, tl dopel le duo Lambacher y pro les ëres l'atleta da Deutschnofen Katharina Pfeifer. Chisc à incé porvè de defënn le titul da l'ann denant cina al'ultim centejim.

Pro les ëres rōia la favorita Pfeifer al terzo post, davagnè cun le miù tēmp à l'atleta da Lijun Martina Kaser (2'28.31), só dl favorit Roman Kaser, Theresa Hilpold davagna la medaia d'arjënt.

I atri dui favoric é bugn de se tignì le titul por ëi. Roman Kaser fej le miù tēmp dl dé cun 2'21.06 y ti la stica insciö a Kinzner dal Jaufental y al atlet ladin da La Val Diego Tschaffert, che pò pié dô in chësc ann la medaia de brom! Tl dopel fej l'indemo le duo Lambacher, ei se davagna le titul por le terzo iade consecutif.

Miribung Carlo ajunj le bun secundo post tla categoria master B cun le tēmp de 2'29.69.

Moling Manuel se posizionëia ai 10° post y Ploner Alex al 12° post te súa categoria.

Rubatscher Manuela fej indo podest cun le tēmp de 2'35.07, ara pò pié do la medaia de brom.

Cun chësta ultima gara é ince la sajun dla lüsa che va a piz, na sajun dër intensiva y rica de sodesfaziuns. N grüm é stà i bi y bugn resultač arjunč da pert di atleč da La Val.

Se congratulé uress l'Uniun dl Sport no ma por i bugn resultač arjunč, mo ince por l'impëgn y la gran devoziun desmostrada da pert de düc. N gran giulan por le laûr che é dô ia, l'acompanamënt ince da pert de geniturs a les gares y l'insegnamënt di atleč cun tröpa esperiënza ai atleč plö jogn che vëgn dô ca. Le bel grup y i bi resultač arjunč des stimolé ince le dagnì de chësc bel sport.

En ocajiun de chësta ultima gara a Latsch éi inçe gnü prejentè le program y les localitès dles gares por le proscim ann:

- Campionač provinziail a Latzfons
- Campionač taliagn a Lungiarü
- Südtirolcup a Lijun, Valdaora y Selva
- Campionač mondial a Oberperfuss tl'austria
- Campionač europeics a Funes

I atri resultač y plazamënc di atleč da La Val dla gara a Latsch : [risultati](#)

Por deplö informaziuns, por ci che reverda resultač, novitès y le program dla lüsa pon vijité la

plata internet sot a chësc linch: <http://www.sportrodel.it/>





Foto: [Dropbox](#)